



ABDULLA ORIPOV IJODI VA UNDAGI MUHIM JIHATLAR

Kurbanazarova Aziza Erkinbaevna
Inglis-tili filologiyasi 3-kurs talabasi

Annotatsiya. *Maqolada A.Oripov ijodi va she'rlar mohiyati haqida fikr yuritiladi.*

Kalit so'zlar. *Janr, e'tirof, shuur, badiiy, qo'lyozma, jiddiy o'zgartirish, ruhiy olam,xarakter,obraz.*

Mustaqillik davri adabiyotida O'zbek adabiyotida poeziya janri tobora rivoonlanib bordi.Ko'plab yozuvchi va shoirlar bilan birga jamoat arbobi, serqirra shoir A.Oripov xizmatlari katta. Birinchi marotaba Respublika matboutida Qushcha deb atalgan she'ri chiqqan paytda Abdulla Oripov talaba edi. Shoирning birinchi she'rlar to'plami " Mitti yulduz " 1965-yilda chop etilgan. Bu kitob nashr etilishi bilan omma orasiga keng tarqalgan va olimlarning e'tirofiga sazovor bo'lган. Jumladan, O'zbekiston madaniyati gazetasida adabiyotshunos olim M.Olimov "Abdulla she'rlari qalbga nurday singadi-yu, nogahiy sukunatni tilka-pora qilib tug'yon ko'taradi. Yurakni o'rtab, shuurga chaqmoqdek nur beradi",- deb yozgan edi Mitti yulduz haqidagi taqrizida.

Shoir ijod olamiga kirib kelgan ilk damlaridanoq so'zga, badiiy ijodga yuksak hurmat va nihoyatda ehtiyyotkorlik bilan yondashgan. Abdulla Oripov ijodida har bir so'z uzukka qo'yilgan ko'zdek porlab turishi bejiz emas. "Ilk to'plamidagi deyarli barcha she'rlar o'z davrida yoshlarning qalb nidosiga aylanib ketgan edi. Shoir qo'lyozmalari arxivini tekshirganimizda, har bir she'rning o'n marotalab qayta ko'chirgani yu, har bir yangi nusqada jiddiy o'zgartirishlar kiritganlarga ko'p guvoh bo'ldik."

Xususan aytib o'tishimiz joiz, A.Oripovning bundan tashqari "Tilla baliqcha" (1965), "Dorvoz" (1965), "Ona" (1967), "Birinchi muhabbatim" (1968), "Iltijo" (1970), "Sog'inch" (1970), "Shoir umri" (1981), "Inson hurmati" (1986), "Dunyoni qizg'anma" (1980) kabi she'rlari bilan birga "Jannatga yo'l" (1978), "Hakim va ajal" (1980), "Ranjkom" (1988) singari dostonlari ham nashr etildi.Maqsad va vazifalar.

Biz bu maqolamizda Abdulla Oripov asarlaridagi o'zgacha, takrorlanmas fikrlar, she'rlaridagi samiyimiylikni va hayotga aniq va tiniq qarashlarini o'rganishni maqsad qildik.

A.Oripov O'zbek adabiyotiga o'zining ohanglari, o'z ifoda usuli, borliqqa-tabiat va jamiyatga, odamlarning ruhiy olamiga o'z qarashlariga ega bo'lgan lirk qahramoni bilan kirib keldi. Shoir she'rlarida lirk qahramon ko'p qirrali va shu bilan birga uyg'un obraz sifatida nomayon bo'ladi.Uning lirk qahramoni evolyusiyasini she'rda o'rtaga qo'yilgan muammolar, ularning mazmunini ochib berish shoir she'riyatidagi asosiy motivlar va kayfiyatlarini, she'r manbaalarini aniqlash orqali tushinish mumkin.

Lirk qahramon bilan lirk xarakter bir-biridan tamomila boshqa-boshqa tushinchalardir.Temir odam she'rini yaratishda shoir inson kashf etgan "temir odam"-



robot detalidan mohirona foydalanib, hissiz, tuyg'usiz, manqurt kimsalar haqida so'z yuritadi. She'rdagi:

Temir odam yasab yurguncha ko'proq

"Jonli temir"larni o'ylangiz ustoz- degan xitob lirik qahramonning da'vati dir. Nafratni, ishqni, mehrni bilmaydigan kimsa esa-shoir yaratgan tip darajasiga ko'tarilgan lirik xarakterdir.

Oltmishinchchi yillarning o'rtalarida yozilgan "Men nechun sevaman O'zbekistonni?", "Sarob", "Yuzma-yuz", "O'zbekistonda kuz", "Biznikilar", "Bahor", "Sovg'a" kabi she'rlarida va "O'zbekiston" qasidasida milliy o'zlikni anglash, O'zbekiston istiqlolli, xalq va vatan taqdiri, "million elatlarga sochilgan o'zbekning dardi" hasratlari, muammolari ilk bora o'tkir qilib qo'yildi. Bu she'rlar uchun umumiy bir ohang, umumiy g'oya- bu hurlik, milliy uyg'onish g'oyasidir.

Shunisi ahamiyatlici, O'zbekistonga bo'lgan muhabbat baland parvoz misralar, oddiy madhiyalar bilan emas, balki lirik qahramon qalbining tub-tubidan otilib chiqqan kechinmalar, bezovta o'ylar tarzda inkishof etiladi. Yurtim, seni faqat boyliklaring-chun

Sevgan farzand bo'lsa kechirma aslo!- misralariga asoslanib, kishi o'z vatanini boyliklari, go'zalligi uchungina sevmasligi lozim degan fikr kelib chiqishi mumkin. Lekin bu fikr ham tug'al aniq fikr emas.

Shoirning lirkasidagi yana bir katta mavzu- bu inson mavzusi, isnon haqidagi yangi haqiqatlarni ochib berish, insonni bugun murakkabligi bilan tasvirlash muammo sidir.

Koinot gultoji insondir azal,

Undanda eng oliv tafakkur, amal.

Xatto u tubanlik ichra ham tanho,

Ya falak, ijoding buncha mukammal!

Abdulla Oripov butun ijodi mana shu inson, uning sir-sinoati, anglab bo'lmas sehr-u-jodusi, yuksakligi va tubanligi qarshisida lol bo'lgan qalbning hayratidan tassurot qoldiradi.

Qancha-qancha sir yashar har kimning bisotidan,

Shul sabab ul Insondir shul sabab ul Zot erur.

Xulosa o'rnila shuni aytib o'tishimiz joizki, Abdulla Oripovning har bir she'ri sinchiklab o'rganishga munosib asarlardir. Har bir asari kitobxonlar tomonidan sevib o'qiladi. Chunki, uning she'rlari yuksak e'tiroflarga loyiqdir.

FOYDALANILGAN ADABIYOTLAR

1.A.Oripov.Mitti yulduz.Toshkent.1965

2.A.Oripov.Yuzma-yuz.G.G'ulom nomidagi adabiyot va san'at nashriyoti.Toshkent.1978.

3.Qalb sadosi gazetasি

4.A.Oripov.Tanlangan asarlar. 4 Jildlik.1- jild.She'rlar va dostonlar. Toshkent.2000